

Classe 632 - Adult Students - Individual - Advanced

Ah! Fait-i' froid! par Elie

Ah! fait i' froid, chés jours ichîn
Nou vait tout l'monde bein emboun'tés
S'n'aller couothant tout l'long du c'mîn
Tapant du pid coumme s'ils 'taient g'lès.

Et ch'n'est, dé vrai, pas étonnant:
Car ch'est l'hiver, 'ous l'savez tous,
Qui nos apporte lé mauvais temps,
R'frédeuses, halître et mauvaise toux.

Les uns sont si enchiffrenés
Qu'ch'est à peine s'i' peuvent vos d'viser
Et occouo ch'est par dans lus nez
Entre lus bordées à êtèrner.

Au ser, ch'est des dghichons d'lait caud
Ov beurre, êpices et piéche dé pain;
Des rôties d'cidre - ah! qu'il en faut
Chu mais ichîn et l'mais tchi veint!

Quand veint l'heuthe de s'n'aller au liet
Nou ouait pâler d'galots cauffés,
D'fièrs enflubés dans du fliannet,
Et d'joudghies d'ieau à haut portés!

Ichîn et là, dans la maison,
Nou vait partout des vèrres et bolles,
D'sithop d'cârottes, d'm'lasse ou d'oignon,
Et nou z'en mange à grand' tchul'lées!